

傳無女而有姊妹及姑姊妹正義云釋親云父之姊妹為姑樊光曰春秋傳云姑姊妹然則古人謂姑為姑姊妹蓋父之姊為姑姊父之妹為姑妹列女傳梁有節姑妹入火為救兄子是謂父妹為姑妹也後人從省故單稱為姑也廿一年左傳季武子以公姑姊妻之注蓋寡者二人釋文引或曰此云姑姊是父之姊也正義引劉炫云此姑姊是襄公父之姊並以杜注為非是父之姊妹為姑姊姑妹也然姑既見爾雅不得云後人從省所說恐非是又儀禮喪服所云姑姊妹女子謂姑與姊妹及女子子與此姑姊妹不同又按說文姑夫母也然則謂父之姊妹為姑者轉注也釋名父之姊妹曰姑姑故也言於己為久故之人也又云夫之母曰姑亦言故也亦者亦父之姊妹曰姑則其說似以父之姊妹為本訓蓋許劉其說不同也

〔伊呂波字類抄〕遠人倫叔母父之妹

父姊妹亦謂姑

〔伊呂波字類抄〕遠人倫姑父姊妹也

〔令義解〕凡嫁女皆先由伯叔父姑中略父姊

凡毆妻之祖父母父母及殺妻外祖父母伯叔父姑兄弟姊妹若夫妻祖父母父母外祖父母伯叔父姑兄弟姊妹自相殺及妻略殺傷夫外祖父母伯叔父姑兄弟姊妹略雖會赦皆為義絕

〔令集解〕四十一古記云釋親云父之姊妹為姑案祖父之子父之姊妹也俗云乎婆

〔釋親考〕兄之姊妹為姑

左傳疏樊光曰春秋傳云姑姊妹然則古人謂姑為姑姊妹若父之姊為姑姊父之妹為姑妹列女傳梁有節姑妹入火而救兄子是謂父妹為姑妹也後人從省故單稱為姑也古人稱祖父近世單稱祖亦此類也

胤按列女傳亦有義姑姊之稱古稱姑姊姑妹可見儀禮及曲禮所謂姑姊妹女子子者則指姑與姊妹耳若以此為姑姊姑妹則不及己之姊妹也禮傳舉祖父及己三世之女子曰姑姊妹女子子則不